

« Bisognu di sforzi pà un mondu duve si respirarà sempre »

PATRICK REBILLOUT - U meteorulugista ci parla di a Corsica da quì à vinti anni, culpita cum'è d'altri rughjoni di u mondu senza adattazione climatiche. I fenomeni stremi chì si scatenanu ogni annu ci ramenta a sfida tamanta chì ci aspetta

Pà tutti, pare chì u mese di novembre hè statu unu di i più caldi in Corsica. L'annata 2020 sarà una di e più calde ?

Pà u cuntinente, iè ma micca pà a Corsica. In Francia cuntinentale, si parla di 1,5 gradi sopra à u normale di staghjone, ciò chì face di u 2020 l'annata a più calda d'apoi u 1950. In Corsica, ne sinu à 1 gradu sopra à u normale, cum'è in u 2003 o u 2015. Sapendu chì u normale di staghjone si calcolaghja da u 1981 à u 2010. Posu ch'ellu sò calculate nant' à un periodu di trenta anni, avemu da passà à l'èpica 1991-2020 l'annu chì vene. E cusi, ci fenu di più pioseri cù 'ssi sciffrì qui. S'avianu fattu u paragone trà u 2020 è u normale di u 1950-1980, sarianu à più di 2 gradi di crescita. Ci vole à pensà à u 2010 pà ritruvà risultati sott' à u normale. Dunque, d'apoi deci anni, si supraneghja sempre 'ssi sciffrì, cù una crescita d'un gradu, à u minimu.

Difícile ogħje di nità a crescita di e temperature. Si ritrova ind' i vostri risultati ?
Sopratuttu nant' à e temperature, un c' hè nissun dubbitu. A pianeta si riscalda d'1,2 gradu è a Corsica, d'apoi à l'annate 50, d'1,9 gradi. Sianu sopra u gradu è mezu chì dice di fa calà prestu i gasi à effettu di vitruera... Quandu si parla d'un gradu di crescita, pare nulla. Ma nascentu i fenomeni stremi chì culpiscentu guasgi ogni annu i nostri rughjoni. Sulleoni,

timpeste, crescita di i ghjorni caldi ogni deci anni. In u 2019, a città d'Ajaccio hà arrigistratu quaranta ghjorni cù una temperatura di più di trenta gradi. Tutti i seigni sù quì, sott' à l'ochji.

Cumu si spiega 'ssa leia trà a crescita di e temperature è i fenomeni stremi ?
Hè simplice. A legħje deta di Clausius-Clapeyron dice chì pà u gradu di crescita, sò 7 % di più di vapore d'acqua in l'atmosfera. Un studiu onv di Météo France dice ch'è, d'apoi u 1960, avemu una crescita di e piove di 22 % i ghjorni i più acquosi. Duppiemu a frequenza di i fenomeni stremi è cresce dinò i spazi duve ella fala l'acqua. Par un dettu, quandu si parla di ciò ch'è passatu in Nizza, avemu un fenomenu stremu, di sicuru ma l'acqua hè falata nant' à un spazi abbastanza impurtante. In u 2016, in Corsica, avemu arrigistratu 500 mm/m² nant' à e cime

« E timpeste Fabien o Adrian, chì si vedianu tutti i cent'anni, puderanu scatenà si ogni annu in u 2050 »

ma nant' à un spazi chjucu. In Nizza, hè piovutu cusi nant' à un tarrenu bellu più grande. L'11 di ghjungnu scorsu in Ajaccio, hè cascatu 150 mm in 2 ore è mezu nant' à un spazi di 10 km², ciò chì face 1,5 milione di m³. Rendite vi conta, s'è 150 mm cascanu nant' à a città d'Ajaccio sana chì face 100 km², faria 15 milioni di m³, quandu si sà ch'è, u matrale di Tolla face 30 milioni di m³. Sinu di petru à una quantità



Patrick Rebillout

JOSE MARTINETTI

d'acqua gigante. Più face u caldu, più l'atmosfera riceve u vapore d'acqua è quella hè resa sott' à a forma d'acqua.

Ghjustu à puntu, l'associ di difesa di l'ambiente dicenu chì e costruzzione nove sò rispunsivule di l'acquazzione è di e piene pà via di l'imparmiabilisazione di e terre. Chì dice u meteorulugista ?
Nanzu tutta, ci vole à di ch'è u fenomenu hè statu eccezzionale, bellu più malò cà una piena centinale. Sò d'accunsentu chì ci vole impedisce l'impermeabilisazione, costruisce stagni da

ritene l'acqua. Ma quandu fala da u celu 1 milione di m³ in 2 ore è mezu nant' à 10 km², bisognu ad avè strutture sprupusitate da pudè guidà l'acqua.

Pudaremu torna schià in Corsica ?

Pudemu avè scambiamenti locali di l'ambienza. Hè vera ch'è, in l'annate 90, ci sò state anni pocu nivosi, cum'è l'ultimi anni. M'aricordu di u 2015 quandu un hè cascatu mancu un focu in Corsica. Sò dui anni chì un c' hè micca a neve à 1 500 m. A calata si farà di 30 % sin à u 2040 è di 60 % à a fine di u seculu. Un ci sarà

guasgi più neve à 1 500 m.

« Tutti l'attori di u clima vedenu ghjungħje vaghjimi è inguerni cù assai angoscia »

Quale saria l'energia pulita a più adattata à a Corsica ?
U me mistieru hè meteorulugista. Ma pà mantene a crescita sott' à dui gradi, bisognu à fa calà i gasi à effettu di vitruera di 4 %. Or d'apoi u primu rapportu da u Giec (Gruppu di sperti intergovernamentali nant' à l'evuluzione di u clima) un piantemu di cresce. Ciò chì pensu, hè chì mi pare difícile d'assicurà a provista in energia cù quelle polite. Para di calà a nostra consumazione, pensu chì un ci la faremu. Un vale à di ch'è un ci vole micca à sviluppà le ma un ponu esse capace, par avà, d'assicurà a pruduzione mondiale. Simu ind' una vittura, vedimu u muru, ma aspettemu l'ultimu mumentu pà piantà ci. S'ella si rispetta à Cop 21, saremu un mondu à 3 gradi di più à a fine di u seculu. I sforzi impurtantissimi, par avà, in bastaranu è un saranu accettati da a società.

Pare più difícile, ogħje, u vostru mistieru cù i fenomeni eccezzionali ch'è no cunniscimu ?

Pà e previsionu, nò. Ci sò stati progressi malò cù i calculatori, pà un dettu. Ma hè vera ch'è l'avemu difícultà malò ch'è i fenomeni violenti abbastanza localizati, cum'è quelli d'Ajaccio, di ghjungnu.

A ghjente hè avezza à progressi impurtanti ma un pudemu privede cù l'acqua ch'è fala. E'

certe volte un hè cusì faciale, sopratuttu quandu si tratta di a sicurezza di tutti.

Merrie è prefetture sò di più impegnate ogħje da privede u periculu ?

Iè, ci vole à di ch'è c'è un sforzu malò pà fa capisce u periculu à a ghjente, pà ch'ella s'impegni torna. Tutti l'attori di u clima è di a securità vedenu ghjungħje vaghjimi è inguerni cù assai angoscia. Ci vole à di la. Guardate Nizza, Ajaccio, a Sardegna, avemu avutu a prima vigilanza rossa in Corsica in u 2016.

L'accunsamentu di u territoriu hà da forse scambiu... ?

Hè ciò ch'è no chiamemu l'adattazione è i scambiamenti climatici. A sicchia di e terre agricole in Corsica vada l'11 di ghjungnu à u 15 d'ottobre. Da quì à u 2040, sarà di u 20 di magghju à u 31 d'ottobre. F'è un ci face nulla, sarà da l'11 di magghju à u 15 di novembre. Ci hà da volè à riflette : ch'avemu da pone cum'è liguri è fruti ? Ch'è costruzzione pà e nostre città ? S'è na volemu vede cresce i nostri figlioli ind' un mondu duve si respira sempre, bisognu à fa sforzi avà, subito, chì un sò stati fatti par avà. Altu problema : l'affundamenti marini. I ghjacciali strughjenu, face cullà u livellu di l'oceani. U Mediterraniu colla da 2,46 mm à l'annu, dunque avaremu à a fine di u seculu una crescita di 50 centimetri d'acqua. E timpeste Fabien o Adrian, chì si vedianu tutti i cent'anni, puderanu scatenà si ogni annu in u 2050, cù consequenze tremende, al di là di a sparizione di i ristoranti di mare.

DETTI RACCOLTI DA GHJ-LORMU PADOVANI